

mönnum atvinnuleyfi leyfishafa og leggja málið fyrir þá. Skulu úthlutunarmenn, innan **54**
15 daga, úrskurða, hvort útiloka skuli umræddan bifreiðastjóra frá afgreiðslu og **18. apríl**
hve langan tíma eða alveg.

Telji úthlutunarmenn ástæðu til að segja leyfishafa upp afgreiðslu um lengri eða skemmri tíma, skal atvinnuleyfi leyfishafa vera í vörzlu þeirra, meðan uppsögn afgreiðslunnar stendur.

Viðkomandi bifreiðastöð er skylt að taka leyfishafa í afgreiðslu aftur að afgreiðslubanni loknu, ef leyfishafi æskir þess.

Nú æskir leyfishafi ekki að afgreiðslubanni loknu að fara til þeirrar bifreiðastöðvar, sem hann var hjá, skal hann þá innan 30 daga útvega sér afgreiðslu hjá annarri bifreiðastöð, en takist honum það ekki, hefur hann fyrirgert rétti sínum til leyfisins og fellur það þá til úthlutunar að nýju, nema úthlutunarmenn ákveði annað.

Báðir málsaðilar hafa rétt til að skjóta úrskurði úthlutunarmanna til samgöngumálaráðuneytisins, innan 6 daga frá birtingu úrskurðarins, ef um er að ræða útilokun í 6 mánuði eða lengri tíma eða ef ágreiningur er um afgreiðslu málsins hjá úthlutunarmönnum.

2 gr.

Reglugerð þessi öðlast þegar gildi.

Reglugerð þessi er hér með sett samkvæmt lögum um leigubifreiðar í kaupstöðum og kauptúnum, nr. 40 29. maí 1957, og birtist til eftirbreytni öllum þeim, sem hlut eiga að máli.

Samgöngumálaráðuneytið, 18. apríl 1959.

Emil Jónsson.

Páll Pálmason.

REGLUGERÐ

fyrir vatnsveitu Akureyrar.

55

30. apríl

1. gr.

Vatnsveita Akureyrar er eign Akureyrarbæjar, sem hefur einkarétt til að reka vatnsveitu og selja vatn í lögsagnarumdæmi bæjarins.

2. gr.

Vatnsveita Akureyrar skal rekin sem fjárhagslega sjálfstætt fyrirtæki undir yfirlýstjórn bæjarstjórnar Akureyrar, sem ræður vatnsveitustjóra, er tekur laun úr vatnsveitusjóði, til að annast daglegan rekstur og eftirlit í samráði við bæjarráð, en bæjarstjórn hefur úrslitavald í öllum málum, er vatnsveituna varða.

Bæjarverkfræðingur skal vera vatnsveitustjóra og bæjarráði til aðstoðar og ráðuneytis um málefni vatnsveitunnar, þegar þess er óskað, einkum að því er varðar nýjar vatnsvirkjunarfrankvæmdir.

3. gr.

Gegn hæfilegu endurgjaldi er bæjarstjórn ákveður, annast skrifstofa Akureyrarbæjar bókhald og fjárreiður vatnsveitunnar og innheimtir vatnsskatt og önnur gjöld til hennar samkvæmt gjaldskrá, er bæjarstjórn semur, en félagsmálaráðuneytið staðfestir.

- 55** Halda skal bókhaldi vatnsveitunnar aðskildu frá bókhaldi bæjarsjóðs.
30. apríl Reikningsár vatnsveitunnar er almanaksárið, og skulu reikningar hennar fylgja bæjarreikningunum ár hvert og vera endurskoðaðir af endurskoðendum bæjarreikninganna.

4. gr.

Um skyldur landeigenda til að láta af hendi landsafnot og mannvirki í þágu vatnsvirkjunar fer að lögum.

5. gr.

Vatnsveitan leggur vatnsæðar um kaupstaðinn frá vatnsgeymum veitunnar eftir því sem þörf er á og fært þykir, og er vatnsveitunni bæði rétt og skylt að leggja heimæðar í ný íbúðarhús að stofnkranu, enda sé húsin á skipulögðum byggingarsvæðum og húseigandi hafi sótt um það til vatnsveitustjóra, að íbúðarhús hans yrði tengt.

6. gr.

Vatnsveitan annast allt viðhald og viðgerðir vatnsveituæða utanhúss.

7. gr.

Hverjum húseiganda er skylt að halda vatnsrásum sínum innanhúss vel við og láta umsvifalaust gera við vatnsleiðslur eða vatnstæki, ef leki kemur að þeim. Skulu vatnsnotendur gæta þess sérstaklega, að ekki frjósi í vatnsæðum.

8. gr.

Vanræki vatnsnotandi að gera við bilanir á vatnsæðum eða vatnstækjum sínum er vatnsveitustjóra heimilt að láta loka fyrir vatn til hans og láta gera við bilunina á hans kostnað.

9. gr.

Vatnsveitustjóra og öðrum starfsmönnum vatnsveitunnar er heimill frjáls aðgangur til eftirlits og viðgerða um fasteignir, þar sem vatnsæðar liggja.

10. gr.

Ef nauðsyn krefur vegna skorts á vatni í uppsprettulindum, vegna hreinsunar eða viðgerða á vatnsgeymum og æðum eða af öðrum ástæðum, getur vatnsveitustjóri fyrirskipað takmörkun á vatnsnotkun, takmarkað vatnsrennsli eða lokað fyrir vatnið, eftir því sem þörf krefur hverju sinni, en jafnan skal tilkynnt fyrirfram um slíkar takmarkanir í blöðum og útvarpi, ef unnt er.

11. gr.

Fullan vatnsskatt ber að greiða, þótt lokun fari fram samkv. 8. og 10. gr.

12. gr.

Enginn má setja aflvélar í samband við vatnsveituna, nema með samþykki vatnsveitustjóra.

13. gr.

Óheimilt er öðrum en slökkviliði, að taka vatn úr brunahönum vatnsveitunnar, nema með leyfi vatnsveitustjóra.

14. gr.

Hver sá, sem óhreinkar vatn í uppsprettulindum, brunnum, geymum eða æðum vatnsveitunnar eða spillir mannvirkjum hennar, skal sæta refsingu samkvæmt lögum, auk þess sem hann verður fébótaskyldur eftir almennum reglum vegna þess tjóns, er hann veldur.

15. gr.

55

Brot gegn reglugerð þessari varða allt að 2000.00 króna sektum, nema þyngri refsing liggi við að lögum. 30. apríl

Reglugerð þessi, sem samin er og samþykkt af bæjarstjórn Akureyrarkaupstaðar, staðfestist hér með samkvæmt vatnalögum nr. 15 20. júní 1923, sbr. lög nr. 93 5. júní 1947, um aðstoð til vatnsveitna, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Jafnframt er úr gildi felld reglugerð fyrir vatnsveitu Akureyrarkaupstaðar nr. 190 18. nóv. 1949.

Félagsmálaráðuneytið, 30. apríl 1959.

Friðjón Skarphéðinsson.

Hallgrímur Dalberg.

G J A L D S K R Á

56

vatnsveitu Akureyrar.

30. apríl

Vatnsskattur.

1. gr.

Fyrir vatnsnotkun skal greiða árlegan vatnsskatt af öllum húsum í lögsagnarumdæmi Akureyrar, sem fá vatn úr vatnsveitu bæjarins.

2. gr.

Vatnsskattur samkv. 1. gr. skal vera 1.2% af fasteignamati húss.

3. gr.

Hafi hús ekki verið virt fasteignamatsvirðingu, ákveður vatnsveitan skattinn.

Aukavatnsskattur.

4. gr.

Auk vatnsskatts samkv. 1. gr. skal greiða aukavatnsskatt fyrir verksmiðjur, iðn-fyrirtæki (vinnslustöðvar), útgerðarstöðvar, sláturhús, frystihús, efnalaugar, þvottahús, bifreiðapvottastöðvar og önnur slík fyrirtæki, svo og fyrir hreyfivélar og gosbrunna.

5. gr.

Aukavatnsskatt skal innheimta samkvæmt mæli með kr. 1.50 fyrir hvern teningsmetra vatns, fyrstu 1000 teningsmetrana, en fyrir það vatnsmagn, sem fram yfir er með kr. 0.75 fyrir hvern tengingsmetra.

6. gr.

Vatnsveitan lætur notendum í té löggilta vatnsmæla og er ársleiga fyrir hvern mæli kr. 100.00.

Skipavatnsskattur.

7. gr.

Greiðsla fyrir vatn, sem selt er til skipa og báta í Akureyrarhöfn, skal vera kr. 10.00 fyrir hvern teningsmetra, þó aldrei minna en kr. 50.00.